


At-ILITSEERSUUT



GL.6.1
Suliffiit isumannaallisaanermik
peqqinnissamillu suliarisaat

November 2006

Suliffeqarfiit isumannaallisaanermik peqqinnissamillu suliarisaminnik qanoq aaqqissuussinissaat pillugu At-ilitersuut paasissutissiivoq. Isumannaallisaniaqatigiit suunerannik, qaqugukkut suliffeqarfik isumannaallisaniaqatigiinnik pilersitsisissanerannik suliffeqarfiillu sorliit isumannaallisaniaqatigiinnik peqartussaanerannik ilitersuut paasissutissiivoq. Kiisalu sulisitsisup pisussaataaffiinnik pisinnaatitaaffiinillu ilitersuut paasissutissiivoq.

1. Isumannaallisaanermik peqqinnissamillu suliarisaq qaqugukkut?

Suliffeqarfiit tamarmik sulisoqartut isumannaallisaanermik peqqinnissamillu suliarisaqassapput.

Qulinik imaluunniit amerlanernik suliffeqarfik sulisoqaruni isumannaallisaniaqatigiiliornissaa pingaarnerutillugu malittarisassaavoq.

Suliffiugallartunut aamma paarlakaattuni suliffinni, taakkununga ilanngullugit illuliornermik sanaartormillu suliffinni, kiisalu umiarsuarnik usingiaallunilu usilersuinermi immikkut ittunik malittarisassaqarpoq.

Suliffeqarfiit isumannaallisaniaqatigiinnik pilersitsisussaannngitsut aamma isumannaallisaanermik peqqinnissamillu suliarisaqassapput. Tamanna sulisitsisup, sulinermik siulersuisuusinnaasut sulisorisallu akornanni suleqatigiinnik-kut pissaq. 1. januar 2008-mit atuutilersumik suliffimmik naliliiffignissusior-toqarnissaannik (APV-mik) piumasaqaateqartoqalerpoq. Suleqatigiinneq sulisut sinniisuata sulitsisumik imaluunniit sulinermik siulersuisumik peqateqarluni isumannaallisaanermik peqqinnissamillu suliarisamik isumaginnittunngortillugit ileqqussanngortinneqarsinnaavoq.

2. Isumannaallissaniaqatigiit suuppat?

Isumannaallisaniaqatigiit immikkoortortani tamani imaluunniit sulinermik siulersuisoqarfinni isumannaallisaanermik suleqatigiissitaliortoqarneratigut pilersinneqartarput. 20-t sinnerlugit sulisoqarpat tamatuma saniatigut isumannaallisaanermut ataatsimiititanik pilersitsisoqarsimassaaq. Suliffeqarfik angisoorsuuppat isumannaallisaanermut ataatsimiititat arlaliusinnaapput, suliallu ataqatigiissinniarnernanut qullersaasussamik isumannaallisaanermut ataatsimiititanik pilersitsisoqartariaqarsinnaavoq.

Suliffeqarfinni anginngitsuni isumannaallisaniaqatigiit isumannaallisaanermik suleqatigiissitanit ataasiinnarnit pilersinneqarsimasinnaavoq, suliffeqarfinnili angisuuni isumannaallisaanermik suleqatigiissitanik aamma isumannaallisaa-

nermut ataatsimiititanik arlalippassuarnik aammalu immaqa qullersaasumik isumannaallisaanermut ataatsimiititanik peqartoqarsinnaavoq.

Sulisitsisup isumannaallisaaniaqatigiit sulisuusut sulinermillu siulersuisut suleqatigalugit pilersittussaavaa. Sulisorisat isumannaallisaanermik suleqatigiis-sitani sulinermik siulersuisoq peqatigalugu ilaasortaasussamik isumannaalli-saanermut sinniisussamik qinersissapput. Sulisitsisup suleqatigiittoqarsinnaa-nera isumannaassavaa, tassunga ilanngullugu sulisut isumannaallisaanermik sinniisussamut qinersinissaannut naammattunik piffissalerlugillu periarfissis-sallugit.

Isumannaallisaaniaqatigiit ilusilersornerini allannguutit tamarmik sulisitsisup, sulinermik siulersuisuusinnaasut sulisorisallu akornanni suleqatigiinnikkut pis-sapput.

Isumannaallisaaniaqatigiit Sullivinnik Nakkutilliisoqarfiup isumannaallisaaner-mik suleqatigiissitat aamma isumannaallisaanermut sinniisut pillugit ilitersuu-siaani, kiisalu isumannaallisaanermut ataatsimiitit pillugit ilitersuummi er-seqqinnerusumik nassuiarneqarput.

Ilitsersuutini taakkunani marlunni nassuiarneqartumit allaanerusumik isuman-naallisaanermik peqqinnissamillu suliarisap aaqqissuunneqarnissaa pillugu su-liffeqarfimmi sulisitsisoq sulisorisallu isumaqatigiissusiorsinnaapput. Tamanna pillugu periarfissaq suliffeqarfiit isumannaallisaanermik peqqinnissamillu su-liarisaat pillugit isumaqatigiissutaasunik Sullivinnik Nakkutilliisoqarfiup ilitser-susiaani erseqqinnerusumik nassuiarneqarpoq.

3. Qaqugukkut malittarisassat atuuppat?

Suliffeqarfiit isumannaallisaanermik peqqinnissamillu suliarisaat pillugit malit-tarisassat pingaarnerutillugit nunap qaani, umiarsuarnik usingiaallunilu usiler-suinermik sulianut, kiisalu umiarsuit iluini amutsivinni sulianut tamanut sulisit-sisumut sulissutigisanut atasuupput.

Sullivinni isumannaallisaanermik inatsimmut atasuusutut sulisitsisumut sulis-sussineq pillugu naliliissagaanni makku ilaatigut pingaartinneqartartuupput:

- suliamik tiguisoq nammineq sulisinnaassutsiminik atugassiinissaminut pisussaatitaanersoq
- suliamik tiguisoq suliap suliarineranut atatillugu ilitersorneqarnissamik nakkutigineqarnissamillu malittarisassaqaqtitaanersoq
- sulisitsisoq ininik suliffigisassanik atortussanillu pisariaqartitanik atugas-saqartitsinersoq
- sulinerup inernerata naammaginangitsuusinnaaneranik sulisitsisoq tigusin-nittusaaanersoq.

Nalornisoqartoqarpat suliamik tiguisoq suliamik naammassisaminut aningaa-sarsisinneqarnera pingaartuutinniarneqartarpoq.

Isumannaallisaaniaqatigiit pillugit malittarisassat aamma atuupput suliaq sulisup nammineq angerlarsimaffiani ingerlanneqarneratigut, sulineq piffissami suliffiusumi tamarmmi ingerlanneqarpat imaluunniit akuttoqatigiiaartumik ingerlanneqarpat.

Suliap ingerlanneqarnerani isumannaallisaaniaqatigeeqassanngilaq:

- sulisitsisup angerlarsimaffiani pippat
- sulisitsisup ilaqutarisaanit angerlarsimaffiani najugaqartunit suliarineqarpat
- sakkutooqarfimmeersuneerpata, sakkutuujunertullu sulianut naatsorsuuneqarsinnaappata.

Piumassuseq najoqqutaralugu kattuffiliani, soorlu spejderini timersoqatigiillu peqatigiiffiini nalinginnaasumik sulisitsisumut sulianik ingerlataqartoqarneq ajorpoq. Taamaattumik isumannaallisaaniaqatigiit pillugit piumasaqaateqartoqanngilaq. Peqatigiiffinni sulisitsisumut suliamik ingerlatsisoqarpat isumannaallisaaniaqatigiit pillugit malittarisassat najoqqutarineqassapput.

4. Suliffiit sorliit pineqarpat?

Isumannaallisaaniaqatigiit pilersinneqarneri pillugit malittarisassanut atasuussatut suliffeqarfiit qulinik imaluunniit amerlanernik sulisullit pineqarput.

5. Sunaava suliffeqarfik?

Suliffeqarfik inummit ataatsimit imaluunniit piginneqatigiinnit pigineqarsinnaavoq.

Aktianik piginneqatigiiffik, piginneqatigiiffik assigisaalluunniit nalinginnaasutut suliffeqarfittut ataatsitut isigineqartarpoq. Suliffeqarfissuuppat, pingaarnersatut piginneqatigiiffilik, soorlu ingerlatseqatigiinni piginnittumik, arlalinnik allamit aqutanit piginneqatigiiffittalik suliffeqarfiit ataasiakkaatut, tamarmik immikkut isumannaallisaaniaqatigiinnik pilersitsisussatut isigineqartarput.

Suliffeqarfinni tunisassiorfittat suliffeqarfiup immikkoortuisut isigineqartarput, taamaattumillu taakku ataatsimoorussatut isumannaallisaaniaqatigiinnut, immikkoortortaqarfinnik tamanik ilaasortaqarfiusumut atasuussapput.

Suliffeqarfiit imminut pigisut, peqatigiiffiit, aningaasaateqarfiit, qaammarsaatisiiniaqatigiit assigisaallu immikkoortuupput namminersortut, taamaattumillu namminersortunik isumannaallisaaniaqatigiinnik pilersitsissapput.

6. Sulisut amerlassusaasa nalunaarsornerini

kikkut ilanngunneqarpat?

Isumannaallisaaniaqatigiinnik pilersitsisoqarniarluni nalunaarsuinermi sulisut tamarmik, ullup ilaannaani suliffeqartut ilanngullugit, suliffimmi imaluunniit sulinermik siulersuisuunngitsut ilanngunneqassapput. Tamannali atuutinngilaq allaffinni pisiniarfinilu, taakkunani sap. akunneranut minnerpaamik nal. akunnerinik qulinik sulisuusartut ilanngunneqartussaallutik. Nal. akunneranut kisitsit qaammatit pingasut ingerlaneranni agguaqatigiissitsinertut naatsorsorneqassaaq.

Sinniisuusut, suliffeqarfimmi paarlattaasutut sulisuusut sulisorisanut aamma ilanngunneqassapput.

Sulisorisat nunani allani aammalu suliffiup angerlarsimaffiani tamani suliaqartuusut suliffiup angerlarsimaffiani sulisorineqartutut ilanngunneqarput. Taamaattorli sulisorisat taamaallaat nunani allani suliaqartuusut suliffiup angerlarsimaffiani isumannaallisaaniaqatigiit pilersinniarnernanni ilanngunneqassanngillat.

Suliffeqarfinni ukiup ilaani suliaqarfiusartuni, soorlu neriniartarfiit aalajangersimasut pisiniarfiillu ukiup ingerlanerani piffissami sivikinnerusumi ammasartuni isumannaallisaaniaqatigiit piffissamik naammaginartumik atuuffigisaqassanngilaq. Taamaattumik ukiup ataatsip iluani minnerpaamik qulinik sulisoqarlutik, sulisuusut tassani sulinertik ilutigalugu suliffeqarfimmi minnerpaamik qaammatini pingasuni suliffeqartuuppata ileqquuvoq suliffeqarfiit tamaku isumannaallisaaniaqatigiinnik pilersitsissanerat.

7. Kina sulisitsisuaa aamma kina

sulinermik siulersuisuaa?

Sulisitsisoq/suliffeqarfimmik siulersuisoq tassaavoq suliffeqarfimmik ingerlatsisusoq, imaluunniit pisortaasuni peqataasoq – assersuutigalugu pisortat qullersaat imaluunniit suliffeqarfiup imminut pigisup pisortaa.

Sulisorisat suliffeqarfimmi aktiaateqartut imaluunniit piginneqataasut nalinginnaasutut sulisitsisusutut isigineqarneq ajorput – sulinermik siulersuisutut atuuffeqarneri eqqaassanngikkaanni.

Sulinermik siulersuisoq tassaavoq sulisorisaq sulinermini minnerpaamik piffisap affaanik sulisitsisoq sinnerlugu suliffeqarfimmi siulersuinermik imaluunniit sulinermik nakkutilliinermik imaluunniit tamatuma ilaanik sulialik.

8. Sulisisitsisup pisussaataaffii aamma pisinnaataaffii

Sulisitsisup isumannaallisaanermik peqqinnissamillu suliat aqqissuutissavaa suliffimmilu isumannaallisaanermik sulinerup ingerlanneqartilernissaanut peqataaqataassalluni.

Sulisorisat isumannaatsuullutillu peqqissuunerinik isumannaatsuutitsisunik aammalu isumannaatsuunik peqqissutsikkullu aarlerinaataasinnaasunik pinaveersaarisunik iliuutsinik sulisisisoq aqqissuussaqaarnermik isumaginnissaaq. Tamakku saniatigut sulisorisat aarleqqutaasinnaasut pillugit ilisimatineqarnissaannik, kiisalu ilitserorneqarlutillu ilinniartitaanerinik sulisisisoq isumannaarissaaq.

Isumannaatsuuneq peqqissuunerlu pillugit suleqatigiittoqalerneranik, taamatuma ineriartortinneranik ataavartittuarneranillu sulisisisoq isumaginnissaaq, taamaalilluni isumannaallisaaniaqatigiit suliassaminik naammaginantumik isumaginnissinnaanissaanut periarfissiissalluni.

Suliffeqarfimmi qullersatut pisortat isumannaallisaaniaqatigiinni sinniisoqarnissaat sulisisisup isumagissavaa, tassunga ilanngullugu qullersatut pisortani sinniisi isumannaallisaanermut ataatsimiititani siulitaasuunissaa isumagissallugu.

Isumannaallisaanermut ataatsimiitit aammalu suleqatigiissitat immikkoortorfiinut atasunik suliffeqarfiup pilersaarusioneranni peqataasinnaanissaat sulisisisup isumagissavai, tassunga ilanngullugu inatsisit najoqqutaralugit pisussatut isumannaallisaanermik peqqinnissamillu pissutsit naliliiffigineqarnerat.

9. Sullivimmi isumannaallisaanermik suliamut

piffissarititaq ilinniartitaanerlu, kiisalu akiliissutaasut

Sullivimmi isumannaallisaanermik suliamut atatillugu isumannaallisaanermik suleqatigiissitani, isumannaallisaanermut ataatsimiititani ilaasortat aammalu isumannaallisaanermik peqqinnissamillu suliamik ulluinnarni aqutsisup suliassaminik isumaginninnissaminnut piffissamik pisariaqartitaminnik atugas-saqartinnissaannik sulisisisoq isumaginnissaaq. Tamanna ilaatigut suliffeqarfimmi isumannaallisaanermik suleqatigiissitat suliffigisaanni immikkoortortani Sullivinnik Nakkutilliisuutit misissuiartorneranni peqataanissamut piffissaqartitaanissamut tunngasuvoq. Suliffeqarfiup suuneranut aammalu sullivimmi isumannaallisaanermut inissisimaffianut atatillugit piffissaq naammattuutinneqassaaq.

Taamaalilluni isumannaallisaaniaqatigiinni ilaasortat atugassamittut piffissaritaat immikkoortortaqrifiit, suliaqarfigisat aammalu suliffeqarfiup suuneranit angissusaanillu, kiisalu sulisorisat aarleqquteqarfiuffiisa suunerinit aalajangerneqarpoq.

Isumannaallisaanermik peqqinnissamillu suliaat ingerlalluarlutillu sunniuteqarluarterlugit ulluinnarnik pisussaataaffimminnik isumannaallisaaniaqatigiit ilaasortaasa isumaginnilersinnaanissaanut periarfissaqartilivillugit sulisitsisoq taama annertutigisumik piffissaqartitsitigissaaq.

Isumannaallisaaniaqatigiit ilaasortaannut piffissap qanoq annertutigisup atugassiaritinnissaa – isumannaallisaaniaqatigiit tusarniaavigereernerisigut – sulisitsisup nalilissavaa. Isumaqatigiinngittoqalerneratigut apeqqut Sullivinnik Nakkutilliisoqarfimmut saqqummiunneqarsinnaavoq.

Apeqqutini isumannaallisaanermut peqqinnissamullu tunngasuni isumannaallisaanermik suleqatigiisitat ilaasortaasa pisariaqartinneqartutut ilisimasassanik pissarsinissamut imaluunniit ilinniartitaanissamut sulisitsisup periarfississavai.

Ilinniartitaanermut isumannaallisaanermik suleqatigiisitat aningaasartuutaanik sulisitsisoq akiliissaaq. Aammattaaq ilinniartitaanermi peqataanermut atatillugu isertitarisanik annaasaqarnermik aningaasartuutinillu allanik sulisitsisoq akiliissaaq, assersuutigalugit pikkorissarnermut akiliutinik aamma angalanermi najugaqarnermilu aningaasartuutinik.

Isumannaallisaanermik peqqinnissamillu suliamut atugassanngorlugit pisariaqartitatut aningaasassaqaarnissaanik sulisitsisoq isumaginnissaaq. Ilaatigut tamatumaa nassataraa isumannaallisaanermik sinniisut suliasanik isumaginninnermut atatillugu isumannaallisaanermik sinniisip isertitamigut annaasaanik sulisitsisup matussusiinissaa, tassunga ilanngullugit taassuma ataatsimiinnerni allatullu sammisaqaarnerni peqataaqataaneri.

Isumannaallisaanermik sinniisuusup sammisarisaanut atatillugu qaqugukkut qanorlu annertutigisumik sulisitsisup aningaasartuutinik matussusiinissaanik isumaqatigiinnginnerit sulisitsisut sulisullu akornanni aalajangiiffigineqassaaq. Tamanna pisinnaanngippat eqqartuussivitsigoortinneqartariaqassaaq.

10. Immikkut paasisimasalimmut saaffiginnineq

Sullivinni avatangiisini ajornartorsiutip aqqiiviginiarneranut ikiorneqaarnissaminut sulisitsisoq immikkut paasisimasalimmut saaffiginnissinnaavoq.

Sulisitsisup nammineq pisariaqartitatut sammisamut ilisimasassaqaannginnermini immikkut paasisimasalimmut sulisitsisoq saaffiginnissaaq.

Immikkut paasisimasalimmut saaffiginninnissani sioqqullugu sulisitsisup isumannaallisaanermut ataatsimiititat aammalu isumannaallisaanermik suleqatigiisitat saaffiginnissummut attuumassuteqartuusut tusarniaavigeqqassavai.

Sullivinni avatangiisinut pingaarutilinnik paasisutissanik pisariaqartitanik tamani immikkut paasisimasalik sulisitsisup pissarsiorsinnaatissavaa.

11. Isumannaallisaaniaqatigiinnik sulisitsisup sunniivigeqateqarnera

Isumannaallisaaniaqatigiit aamma isumannaallisaanermik suleqatigiissitat immikkoortortaasa iluini sullivinni avatangiisinut pingaaruteqartunik paasissutissanik tamanik isumannaallisaanermut ataatsimiititap ilaasortaannik ilisimatinnissaannik sulisitsisoq pisussaataavoq.

Tamakku Sullivinnik Nakkutilliisoqarfimmit peqqussutinut allanillu aalajangiussinernut, kiisalu ilitersuutitut atugassianik allanillu allakkatigut paasissutissanut atasuupput.

Isumannaallisaaniaqatigiinnut tamakkiisunut isumannaallisaanermillu suleqatigiissitanut ataasiakkaanut suut pingaaruteqartuunerannik erseqqinnerusumik killilersuinissaq isumannaallisaaniaqatigiit isumagissavaat. Paasissutissiissutinik pineqartunik qanoq kikkunnullu ingerlatitseqqinnissamut isumannaallisaaniaqatigiit malittarisassiornissat Sullivinnik Nakkutilliisoqarfiup innersuussutigaa.

12. Suliffeqarfiit isumannaallisaaniaqatigeeqanngitsut

Suliffeqarfinni isumannaallisaaniaqatigiinnik pilersitsisoqarnissaa pillugu piimasaqaateqarfiunngitsuni isumannaallisaanermut peqqinnissamullu pingaaruteqartunik paasissutissanik pisariaqartitanik tamanik sulisorisanut tunniussaqaarnissaq sulisitsisup isumagissavaa. Suliffeqarfimmi isumannaallisaaneq peqqinnissarlu pillugit sulisorisat siunnersuutinik saqqummiussinissaminnut periarfissaqaarnissaat sulisitsisup aamma isumagissavaa.

Tamakku saniatigut teknologiip nutaap pilersaarusrorlugulu atuutsilernerani sulisorisat tusarniaaviginissaat sulisitsup aamma isumagissavaa, tassunga ilanngullugit atortussiat, inunnut illersuutit teknikkikkullu atortut toqqarnerisigut sullivinni avatangiisinut sunniutaasut pillugit.

Suliffeqarfinni isumannaallisaaniaqatigiinnik pilersitsiviusussaannngitsuni sullivinni avatangiisinut suliaqarnermut aalajangersimasunik malittarisassiornissaq isumassarsialatsiasinnaavoq. Taamatut iliorneq sullivinni avatangiisit pillugit pissusissamisoortumik oqaloqatiginninnissap eqqarsaateqarnerullu pilersinnissaanut ilapittuutaasinnaavoq.

13. Suliffeqarfimmi ataatsimi sulisitsisut arlallit allallu akornanni suleqatigiinneq

Suliffeqarfimmi ataasiakkaani isumannaallisaanermik sulinermut pisussaasumut suliffeqarfimmi ataatsimi sulisitsisut arlallit allallu akornanni suleqatigiinneq pillugu malittarisassiat tapiliussaapput. Sulisitsisuugaluaraanni, sulinermik siulersuisuugaluaraanni imaluunniit sulisuugaluaraanni, aammalu sorlermi suliffeqarfimmi atorfeqaraluaraanni sullivimmi kikkut tamarmik sullivinni avatangiisinut tamakkiisumik iliuuseqarnissaannik malittarisassat isumannaarneqartassapput. Malittarisassat isumannaallisaaniaqatigiit kisiisa pinnagit suliffeqarfimmili kikkunnut tamanut sulisuusunut atuupput.

Suliffeqarfimmi ataatsimi suliamik ingerlatsisitsillutik sulisitsisut arlallit akornanni suleqatigiinnissaq pillugu malittarisassat aamma namminersortunut suli-soqanngitsuusunut atuupput.

Suliffimmi ataatsimi suliaqartitsillutik sulisitsisut arlallit, suliffeqarfimmilu kikkut tamarmik sulisuusut sulisuusunut tamanut sullivinni pissutsinik isumannaatsunik peqqinnartunillu pilersitsinissamik suleqatigiissapput. Paasinerluisoqannginnissamik pakkersimannittussanik, aammalu isumannaallisaanermik sulinermik erseqqissaasussanik malittarisassiornissaq pisariaqarsinnaavoq. Inis-sisimaffinni tamani suleqatigiinneq sunniuteqarluartumik ingerlanneqassappat tamanna siunertamut naleqquttuuvoq.

Suleqatigiinnermut isumannaallisaaniaqatigiit ilanngunnissaat aamma pisariaqassaaq.

Suliffigisami sulianut ataasiakkaanut aarleqqutaasinnaasutut attuumassuteqartut pillugit sulisitsisut imminnut paasisitsissuteqassapput. Sulisitsisup suliamik ingerlataqanngitsup nammineq sulisuminut naleqqiullugu sunik ajornartorsiuteqarneranik paasinninnermigut iliuuseqarsinnaanissaanik malittarisassaq isumannaarissaaq. Sulisitsisut ataasiakkaat sulisuminut paasissutissiissutinik taakkuninnga ingerlatitseqqinnissaminut pisussaataapput.

Suliffeqarfimmi ataatsimi, sulisitsisut arlallit suliamik ingerlataqarfigisaanni kikkut tamarmik, tassalu sulisorisat sulisitsisullu namminneq suliaminnut atuuttunik malittarisassat, aammattaarlu sulisitsisut assigiinngitsut akornanni suleqatigiinnikkut malittarisassat najoqqutaralugit suliaqassapput, taamaalilluni suliffeqarfimmi suliaqarnermik atuuffiusut tamarmik isumannaallisaanikkut peqqinnissamullu atatillugu isumannaalluinnartumik ingerlanneqarsinnaanissaat isumannaarneqassammat.

Suliffeqarfiup allap immikkoortortaqarfiani sulisut sulisitsisullu suliaqartuusut suliamut isumagisassaminut atuuttunik malittarisassat najoqqutaralugillu suliffeqarfimmi suliffigisaminni isumannaallisaanermut peqqinnissamullu malittarisassat atuuttut aamma najoqqutarissavaat.

Jens Jensen

Aammattaq Sullivinnik Nakkutilliisoqarfiup makkununga ilitsersutai atuakkit:

- (1) Suliffiugallartuni aamma paarlakaattuni suliffinni, taakkunuuga ilanngullugit illuliornermik sanaartornermillu suliffinni isumannaallisaanermik peqqinnissamillu suliaqarneq
- (2) Isumannallisaanermik suleqatigiissitat aamma isumannaallisaanermik sinniisut
- (3) Isumannaallisaanermut ataatsimiititat.
- (4) Suliffeqarfiit isumannaallisaanikkut peqqinnissakkullu suliaat pillugit isumaqatigiissutit.

Sullivinnik Nakkutilliisoqarfik

Imaneq 18
Postboks 202
3900 Nuuk
Telefon +299 34 25 90
Telefax +299 34 25 91
e-post at@at.gl
www.at.gl

